


PANNAKAISALAKAN



Ti Dalan a mapan Langit

Siak ti dalan a mapan iti Ama
(idiay Langit), kinuna ni Jesus.
AWAN sabali a dalan. Juan 14:6

LANGIT

Adda laeng DUA A DALANI
TI NALAWA ken ti AKIKID.
Mateo 7:13-14

Addatayo AMIN idlay NALAWA
a dalan nga agturong iti
pannakadadael (impierno).
Roma 3:23, 6:23

Pannakadadael Biag

Basol

Basol

Basol


Basol

Basol

Kayatmo kadi nga SURUTEN ti Akikid
a Dalan nga agturong iti Biag (Langit)?
(Luktam iti p. 12 para iti Pagtuladan a Kararag)

TI AKIKID A DALAN ket
agturong iti Biag (Langit).
MAYSÁ LAENG ITI
KUNDISYON tapno
makastrek iti akikid a
dalan, isu ti panangawat
ken ni Apo Jesus tapno
pakawanenna dagiti
basolmo ket sumrek iti
pusom ken biagmo.

Kinuna ni Jesus, "Siak ti
KAKAISUNANGA DALAN
a mapan iti Ama (Langit),
AWAN SABALI a dalan."
Juan 14:6



Ti Dalan a Mapan Langit

Naragsak ken nasantuan a lugar

Paltiing 21:1–5, 27

Juan 14:1–6

*Dua a letrato ti naggapu iti Bible Art Series
Standard Publishing Co., akinkukua
Adda permiso.*

Ti Dalan a Mapan Langit

*Copyright © 1997 Malaysia Faith Mission
ken OMF Literature Inc.*

*Ilokano translation ti The Way to Heaven
Copyright © 1989, 1990 Malaysia Faith Mission*

*Dagiti bersikulo nga nausar ket naadaw iti
Ti Biblia, copyright © 1982 Philippine Bible Society
ken Naimbag a Damag Biblia, copyright © 1983
Philippine Bible Society.*

*Impablaak (1997) iti Pilipinas
OMF Literature Inc.
776 Boni Avenue
Mandaluyong City, Metro Manila*

ISBN 978-971-511-483-7

Inimprenta iti Pilipinas



OMF LITERATURE INC.

Manila, Philippines

Juan 14:1–6

- 1 Kinuna ni Jesus kadakuada: “Saankayo a madanagan ken mariribukan. Mamatikayo iti Dios, ken mamatikayo met kaniak.
- 2 Adu ti kuarto idiy balay ni Amak, ket innak mangisagana iti pagyananyo. Diak koma ibaga daytoy kadakayo no saan a pudno.”
- 3 Kalpasan ti ipapanko panangisagana iti pagyananyo, umaykayto alaen tapno addakayo met iti ayanko.
- 4 Ammoyo ti dalan nga agturong iti papanak.”
- 5 “Apo, kinuna ni Tomas, “saanmi nga amno no sadino ti papanam. Kasano ngarud nga ammomi ti dalan?”
- 6 **“Siak ti dalan, ken ti pudno, ken ti biag; awan ti makapan iti Ama no di magna kaniak,” insungbat ni Jesus.**

Pagtuladan a Kararag

Mateo 6:9–15

Kastoy ngarud ti panagkararagyo:

“Amami sadi langit:
 Madaydayaw koma ti
 Nasantuan a naganmo;
 Umay koma ti Pagariam;
 Matungpal koma ti
 Pagayatam ditoy daga a
 kas sadi langit.
 Itedmo kadakami ti
 taraoonmi ita nga aldaw;
 Pakawanennakami kadagiti basbasolmi,
 A kas iti pammakawanmi kadagiti nakabasol kadakami;
 Dinakam iturong iti nakaro a pakasuotan;
 Ilisinakami ketdi iti managdakdakes.” Amen.

Ayat ti Dios — Langit — Nasantuan
Juan 3:16

4

Basol — Saan a makastrek
 iti Langit — Impierno
Roma 3:23

6

Natay ni Cristo — Ipudno ken panawan
 ti basol — Mapakawan
1 Corinto 15:3-4; 1 Juan 1:9, 7

8

Awatem ni Jesus — Biag nga
 agnanayon — Isalakannaka
Paltiing 3:20

12

Dumakkelka iti espiritu
 — Basaen ti Biblia — Agkararag —
 Makigimong — Agtulnog — Agsaksi
2 Pedro 3:18

14

Kasano nga Usaren ti *Booklet*

18

Pinarsuanatayo ti Dios. Genesis 1:27

Ay-ayatennatayo ti Dios.

Juan 3:16; Roma 5:8

Nasantuan a Surat

Nagdakkel a Panagayat

Gapu iti kasta unay a panagayat ti Dios iti lubong, intedna ti kakaisuna nga Anakna tapno ti siasinoman a mamati kenkuana saan a matay no di ket agbiag nga agnanayon.


Juan 3:16

Tarigagayan ti Dios a makastrek-tayo iti Langit

kalpasan ti biagtayo ditoy lubong.

1 Timoteo 2:4

Ni Jesu-Cristo nga anak ti Dios ket ay-ayatennatayo



ket natay para kadayo tapno isalakannatayo iti amin a kinadakes.

Efeso 5:2; Tito 2:14

Isu laeng (ni Jesus) ti pakasarakantayo iti pannakaisalakan gapu ta iti entero a lubong, awan sabali a nagan nga inted ti Dios kadagiti tattao a mabalintayo a pakaisalakanan.

Aramid 4:12

Nagbasol amin a tao ket

agkurangda iti dayag (kinasanto) ti Dios.

Roma 3:23

Ti basol isu ti panagsalungasing kadagiti linteg ti Dios.

1 Juan 3:4

Maisinatayo iti nasantuan a Dios gapu iti basol.

Isaias 59:1-2

Saan a mamati ken ni Jesus

Managsugal

Nasukir

Agagaw ti asawa ti sabali
sakit ti nakem

Pasindayaw

Agtarigagay ti dakes

Agagum

Agtakaw

Mannagimon

Natangsit

Agallilaw

Agibales

Managgura

Naimut

Managbartek

Saan a mamakawan

Agulbod

Dakes dagiti
sasawenna

Agdayaw
kadagiti didiosen

Dakes a pampanunot

Mannagapal

Salawasaw

Naunget



“Ta dagiti supapak ti basol isu

ni patay; ngem ti naparabur a SAGUT ti Dios isu ti BIAG NGA AGNANAYON (babaen) ken Jesu-Cristo nga Apotayo.”

Roma 6:23 (Hebreo 9:27)

Ti dusa ti basol isu ti dan-aw ti apoy, ti maikadua nga ipapatay (impierno)

Paltiing 21:8

Natay ni Jesu-Cristo para kadagiti basbasoltayo.

Ti problema ti tao



managbasol a puso

Awan ti basol nga makastrek iti pagarian ti Dios (Paltiing 21:27). Babaen iti panagaramid ti nasayaat wenno babaen iti panagpadas nga agbalin a nasayaat, saan nga maikkat uray maysa nga basoltayo.

Isaias 64:6

Saantay maisalakan ti bagitayo.

Tito 3:5; Efeso 2:8-9

Masapultayo ti **KAIKAI SUNA** a Manangisalakan ti lubong, ni Jesu-Cristo, a mangpakawan kadagiti basbasoltayo ken iturongnatayo iti Dios. 1 Pedro 3:18

Ta maymaysa ti Dios, ket maymaysa met ti mamagkappia iti Dios ken iti tao, ni Cristo Jesus a tao a nangyawat iti biagna a pangsubbot iti amin a tao. 1 Timoteo 2:5-6

Nagparang ni Jesus nga awanan basol tapno ikkatenna dagiti basoltayo. 1 Juan 3:5

Nagayatan ni Jesu-Cristo nga matay tapno alaenna ti dusa para kadagiti basbasoltayo.

Juan 10:11,18



Nagbasoltayo ken madusatayo kadagiti basbasoltayo.

Gapu ta awan basol ni Jesus, mabalinna nga alaen dagiti dusa dagiti basbasoltayo. 2 Corinto 5:21

“Natay ni Cristo gapu kadakayo. Wen, namimpinsan a natay gapu kadagiti basbasol, ti nalinteg a tao maipaay kadagiti nakillo, tapno iturongnakayo iti Dios. Napapatay iti bagi ngem napagungar ti espiritu.” 1 Pedro 3:18

Impabaklay ti Apo kenkuana (Jesus) ti dusa a maipatay koma kadatayo amin. Isaias 53:6; 1 Pedro 2:24

Naitanem ket napagungar iti maikatlo nga aldaw. 1 Corinto 15:3-4

Ni Jesus ket nagbiag manen



“Natay ni Cristo gapu kadagiti basoltayo . . . naitanem ket napagungar iti maikatlo nga aldaw, kas nailanad iti Nasantuan a Surat; a nagparang ken ni Pedro sa kadagiti sangapulo ket dua nga apostoles. Kalpasanna, nagparang iti naminsan kadagiti nasurok a limagasut a kakabsattayo . . .”

1 Corinto 15:3-6

Kalpasan a nagungar ni Jesus kadagiti natay, naminsangapulo a nakita ti adu a tattao, ket iti maika-40 nga aldaw, nagsublin idiyang Langit. Aramid 1:3

Imbagani ni Jesus iti Juan 14:3

“Umayak manen.”

Amin dagiti mamati ken Jesus, uray no matayda, agbiagdanto nga awan inggana intono agsubli ni Jesus.

Juan 11:24-26; Hebreo 9:28

Bilinen ti Dios ti amin a tao nga AGBABAWIDA iti kinadakesda!

Aramid 17:30

Ipudnotayo amin dagiti basbasoltayo



Dawatentayo nga ugasan ni Jesus dagiti pusotayo iti amin a basbasoltayo babaen ti darana nga napateg.

“Ngem no ipudnotayo dagiti basbasoltayo, pakawanennatayto ti Dios ken ugasantayto iti amin a kinadakes (basol).” 1 Juan 1:9

“Ti dara ni Jesus, nga Anakna ugasantayto iti amin a basol.” 1 Juan 1:7b; Paltiing 1:5b

Ta no awan ti maibuyat a dara, awan ti mapakawan a basol. Hebreo 9:22b

Agturongtayo ken ni Apo



ken isardengtayo ti agbasol

“Masapul nga isardeng dagiti managdakes ti wagas ti panagbiagda, ket baliwanda ti panagpampanotda. Agsublida koma iti Apo a Diostayo, isu a manangngaasi ken madadaan a mamakawan.” Isaias 55:7

“Pulos a dikanto agballigi no pada-sem nga ilemmeng dagiti basolmo. Ipudnom ida ket agbabawika, ket kaasiannakanto.”

Proverbio 28:13

KINUNA NI JESUS:

“... malaksid nga agbabawikayo, mataykayto amin (mapankayo idiy impierno).” Lucas 13:3,5

KAYAT A SAWEN TI PANAGBABAWI:

1. Agladingitka nga nagbasolka. 2 Corinto 7:10
2. Ipudnom dagiti basolmo. 1 Juan 1:9
3. Agsublika ken ni Apo Dios. Isaias 55:7
4. Isardengmo ti agbasol. Proverbio 28:13

Iti Kasta

Mapakawan dagiti basolmo ket madalusan ti pusom babaen iti dara ni Cristo. 1 Juan 1:7,9



Nadalus a puso

Kuna ti Biblia nga

Ited ti Dios ti BIAG NGA AGNANAYON kadagiti agbabawi ken mamati ken ni Apotayo nga Jesu-Cristo.

Aramid 20:21

Agtuktok ni Jesus iti ruangan ti pusom. Kayatna ti sumrek ta pusom ken biagmo.

Paltiing 3:20

Agtuktok ni Jesus iti ruangan ti pusom.



Kuna ni Jesus, “Addaak nga agtak-takder iti ruangan, ket agtuktokak; no adda dumngegto iti timekko ket luktannanto ti ruangan, sumrekakto kenkuana.”

Paltiing 3:20

Awisem Isuna

AWISEM NI JESUS nga sumrek iti pusom ken mangtengngel iti biagmo.

Pagtuladan a Kararag

Apo Dios, pakawanennak koma kadagiti amin a basbasolko ken ugasam toy pusok iti amin a basol. Apo Jesus, sumrekka iti pusok ken agturayka iti biagko. Agyamanak, Apo.

Mamatika

Imbaga ti Dios nga pinakawan-nakan ken naugasanen ti pusom iti amin a basbasolmo (1 Juan 1:9). Mamatika nga ti Espirituna ket simreken dita pusom ken biagmo (Paltiing 3:20).

Inkari ti Dios, “Dikanto panawan, dikanto baybay-an.”

Hebreo 13:5b

Mapagtalkan dagiti amin a kari ti Dios, ta IMPOSIBLE nga agulbod isuna.

Hebreo 6:18; Tito 1:2

No awisem ni Jesus a sumrek iti pusom, dagdagus nga sumrek ti Espirituna iti pusom ket maaddaanka ti biag nga agnanayon.

Paltiing 3:20; Roma 8:9



Ti siasinoman a **mangawat ken ni Apo Jesus**, agbalin nga **anak ti Dios**, ken maaddaan ti BIAG NGA AGNANAYON. Masarakan laeng ti biag nga agnanayon ken ni Jesus.

Juan 1:12-13; 1 Juan 5:11-13

Kinuna ni Jesus, “**MALAKSID** a ti tao ket maiyanak manen (babaen iti Espiritu Santo — naespirituan a pannakayanak), **SAAN** a makastrek iti pagarian ti Dios (Langit).”

Juan 3:3–8; Juan 4:24; Hebreo 12:9

Panagdakkel iti naespirituan a biag 2 Pedro 3:18

Kanayonka nga agkararag.
1 Tesalonica 5:17



Inaldaw a basaem ti Biblia.

Colosas 3:16
Mateo 4:4
Hebreo 1:1–2
2 Pedro 1:20–21
2 Timoteo 3:16–17
1 Pedro 2:2
2 Corinto 4:16



Kanayonka a mapan iti simbaan wenno gimong dagiti Cristiano.
Hebreo 10:25

Ti panagbiag para ken Cristo kayatna nga sawen:



Tungpalem dagiti bilin ti Dios babaen ti tulong ti Espiritu Santo.

Agpabautisarka.
Mateo 28:18–20

Mapnoka iti Espiritu.
Efeso 5:18



Iyam-amom dagiti gagayyemmo ken ni Apo Jesus.

Aramid 1:8

Agbiagtayo iti lawag, a kas iti kaadda ti Dios iti LAWAG!
(inaldaw nga makikadkaduatayo iti nasantuan nga Dios).

1 Juan 1:7

"TI DIOS KET SILAW (nasantuan); awan a pulos ti sipngget (basol) Kenkuana. No kunatayo nga makikadkaduatayo Kenkuana, ngem agbibigtayo met iti sipngget (agbibigati iti panagbasol), ulbodtayo iti sao ken aramid."
1 Juan 1:5–7; 1 Pedro 1:15–16)



KANAYON a dadaelen ti basol ti pannakikadkaduatayo iti nasantuan a Dios. Ngem no ipudnotayo ken tallikudantayo dagiti basoltayo, pakawanennatayo ket ti dara ni Jesus nga Anakna, dalusanna AMIN a basol, ket maisubli manen ti pannakikadkaduatayo iti nasantuan nga Dios.
1 Juan 1:5-7, 9

Kasano nga tulongannatayo ti Dios nga agbiag iti **LAWAG** (agbiag a nasantuan): Inikkannatayo ti Dios ti adu a parabur babaen iti pammatitayo ken ni Cristo Jesus tapno matulungantayo nga agtungpal kadagiti sasaona ken agbiagtayo a makaay-ayo kenkuana. IMPOSIBLE ti agbiag a makaay-ayo iti Dios babaen iti kabaelan ti tao.

Roma 5:1-2; 2 Corinto 9:8; 2 Corinto 12:9-10;
Roma 6:14; Filipos 4:13

1 Inaldaw a panagbiag

Inaldawtayo a makilangen-langen iti nasantuan a Dios babaen iti panagkararag, panagbasa ti Biblia ken panagtungpal kadagiti bilinna iti tulong ti Espiritu ti Dios.
1 Pedro 1:22

2 Ket No agbasoltayo

No agbasoltayo kalpasan nga inawattayo ni Jesus, dawatentayo a dagus nga pakawanenna dagiti basoltayo. Dawatentayo ti tulong ni Jesus nga saan tayo nga aramidnenen ida.

3 No nakabasoltayo iti sabali

Masapul nga agpakawantayo no nakabasoltayo iti padatayo a tao, ken aramiden ti maiyanatup tapno mailinteg daytoy. Iti kasta, saan a matiped ti pannakilangenglangentayo iti Dios.

"SI AK TI SILAW ti lubong," kinunana ni Jesus, "Siasinoman a sumurot kaniak maaddaan iti silaw ti biag, ket dinto magna iti kasipnggetan (agbasol)"
Juan 8:12

"Mamatikayo iti SILAW (Jesus) tapno . . . agbalinkayo tattao ti LAWAG."
Juan 12:36

"Dakayo ti PANNAKASILAW ti lubong!" Mateo 5:14

Agbiagkayo a kas tattao nga adda iti LAWAG (Dios)! Efeso 5:8

KASANO NGA USAREN

TI DALAN A MAPAN LANGIT BOOKLET

I Ti plano ti booklet

A Iprisentá daytoy a *booklet* ti Ebanghelio babaen iti panagusar ti lima a kolor — maysa a kolor kada maysa a parte ti Ebanghelio.

B Ti *outline* adda iti panid 3 — para usaren ti *narrator*.

Yellow ● — mangrepresentar iti Langit ken PANAGAYAT ti Dios (p. 4–5).

Nangisit ● — mangrepresentar iti BASOL ken dusana (p. 6–7).

Nalabaga ● — mangrepresentar iti PANNAKATAY ni Cristo para kadagiti basoltayo, iti panagungarna (p. 8–9) ken ti pannakapakanawan dagiti mangipudno ken mangtallikud kadagiti basolda (p. 10–11).

Puraw ● — mangrepresentar iti pannakadulus ken iti Biag nga Agnanayon para kadagiti MANGAWAT ken Apo Jesus (p. 12–13).

Berde ● — mangrepresentar iti PANAGDAKKEL iti espiritu ken panagbiag para ken Cristo (p. 14–15) ken ti panagbiag iti lawag babaen iti agtultuloy nga pannakilangen-langen iti Dios ken tao (p. 16–17).

C Mabalnmo manen a padaan (review) ti Ebanghelio (kalpasan a maipresentam daytoy, p. 4–13), tapno maawatan a nalaing ti tao ti Ebanghelio.

1 Umuna a *review* — usarem ti akkub

2 Maikadua a *review* — usarem ti likud

3 Maikatlo a *review* — usarem ti p. 3. Daytoy met ti *outline* ti *narrator*.

4 Maikapata a *review* — maipapan iti Biag nga Agnanayon; p. 4 (Juan 3:16); p. 6 (Roma 6:23); p. 13 (1 Juan 5:11–13).

II Direksion iti panagusar ti booklet

Irugim babaen iti panangbasa ti titulo ti *booklet*, *Ti Dalan a Mapan Langit*, kalpasanna luktam idiyay p. 4 ken ibagam ti mensahe ti panid.

Panid 6 ken 7 — Ibagam, “Amin ket nagbasol, ket ti dusa ti basol ket ti sumunged nga apoy. Daytoy ti agnanayon a panagrigat.”

Panid 8 ken 9 — Ibagam, “Saan a kayat ti Dios nga agrigattayo. Inted ti Dios ni Apo Jesus tapno matay para kadagiti basbasoltayo. Di pulos a nagbasol ni Jesus, ngem nagbasoltayo, isuna nga madusatayo. Nagayatan ni Jesus nga agrigat para kadagiti basbasoltayo.” Kalpasanna ipakaammom ti maipapan ti ipapatay ken panagungar ni Cristo

Ti Problema ti tao — managbasol a puso. Uray no ikarkarigatantayo ti agbalin a nasayaat tao, ken agaramidntayo ti nasayaat iti padatayo, uray kanayontayo mapan iti simbaan ken nakarelrelihiosotayo, saan a makaikkat dagitoy ti basol. Saantay maisalakan ti bagitayo babaen iti rigattayo. Ngarud, masapultayo ni Apo Jesus a mangisalakan kadaytoy kadagiti basbasoltayo.

Panid 10 ken 11 — No kayattayo ti mapan idiyay Langit, aramidentayo ti imbilin ti Dios — agbabawitayo. Kinuna ni Jesus a no ditay agbabawi, madusatayo (mapan idiyay impierno), Lucas 13:3, 5. Ti kayaat sawen ti panagbabawi ket ipudnotayo dagiti basbasoltayo, tallikudan amin a basol ken mapantayo iti Dios tapno dagiti basbasoltayo ket mapakawan, ken dagiti pusotayo ket madalusan babaen iti dara ni Cristo.

Panid 12 ken 13 — Agtuktuktok ni Apo Jesus kadagiti pusotayo. Kayatna ti sumrek iti pusotayo ken biagtayo. No awisentayo ni Apo Jesus a sumrek iti pusotayo, ti nasantuan nga Espirituna ket dagus a sumrek iti biagtayo ken maaddaantayo ti Biag nga Agnanayon, Paltiing 3:20, 1 Juan 5:11–12.

Umuna a review — akkub: No umay ni Jesus iti pusotayo, mapakawan dagiti basbasoltayo ket inton mataytayo, sumrektayonto idiyay Langit. Iti nagbaetan ti daga ken Langit masapul ti rangtay ti Pannakaisalakan. Ni Apo Jesus ti KAIKAI SUNA a rangtay para kadagiti nagbasol. Natay ni Apo Jesus para mapakawan dagiti basbasoltayo. Ti pannakaisalakan ket sagut ti Dios, saan a babaen iti panagaramid ti nasayaat tapno awanto ti agpannakel, Efeso 2:8–9.

Dagiti dua nga tao (yellow) — Namatida ken ni Jesus ken impudnoda dagiti basolda ket napakawanen dagitoy. Inawatda ni Jesus iti biagda, ket naaddaanda ti Biag nga Agnanayon. Makaballasiwdan iti rangtay ti Pannakaisalakan ket mapandan idiyay Langit, Juan 3:16.

Ti managbasol a tao (gray) — saanna nga maikuyog dagiti basolna idiyay Langit. Ti Langit ket nasantuan; awan ti basol a makastrek iti Langit, Paltiing 21:27. No mamati ti managbasol a tao ken ni Apo Jesus ken ipudnoda dagiti basolna, maisalakan isuna, makaballasiwen iti rangtay ti Pannakaisalakan ket mapan idiyay Langit, Aramid 16:31. No saan a makaballasiw ti managbasol a tao iti rangtay ti Pannakaisalakan, ti turongna ket idiyay impierno. Kinuna ni Jesus “Siak LAENG ti dalan nga mapan iti Amak idiyay Langit, AWAN TI SABALI nga dalan!” Juan 14:6.

Maikadua a review — likud: Ibagi ti Mateo 7:13–14 nga adda LAENG dua a dalan ti biag, ti akikid a dalan nga agturong iti Langit ken ti nalawa a dalan nga agturong iti impierno. Dagiti tattao (gray) ket addada idiyay NALAWA NGA DALAN nga agturong iti pannakadadael (impierno). Addatayo AMIN idiyay NALAWA NGA DALAN nga agturong iti pannakadadael gapu ta nagbasoltayo AMIN, Roma 3:23; ti dusa ti basol ket patay (ti maikadua nga ipapatay, dan-aw ti apoy, impierno) Roma 6:23; Paltiing 21:8. Adda dua nga tao (yellow) a nangpili iti AKIKID A DALAN; namatida ken ni Apo Jesus ken impudnoda dagiti basolda ket napakawan dagitoy, 1 Juan 1:9. Inawisda ni Apo Jesus a sumrek iti pusoda ket addaandan ti Biag nga Agnanayon. Nakastrekda babaen iti akikid a dalan nga agturong iti Langit.

KAYATMO KADI NGA PILIEN TI AKIKID A DALAN? No kuna ti tao nga surotenna ti akikid a dalan, wenna di sumungbat, ibagam: “No piliem ti akikid a dalan, kasaom ni Apo Jesus babaen iti panagkararag.”

Luktam idiyay p. 12 ket basaem ti Pagwadan a Kararag: “Apo Dios, pakawanennak koma kadagiti amin a basbasolko ken ugasam toy pusok iti amin a basol. Apo Jesus, sumrekka iti pusok ken agturayka ditoy biagko. Agyamannak, Apo.”

Saludsodem, “Kayatmo kadi nga aramidén daytoy?” No “wen” kunana, ibagam nga agkararag ken ni Jesus, dumawat ti pammakawan kadagiti basbasolna ken dawaten na sumrek ni Apo Jesus iti pusona. Saludsodem no kayatnan ti agkararag ita. No “wen” kunana, ibagam a pasadenna ti agkararag babaen iti panangdawatna ken ni Jesus a pakawanenna dagiti basolna ket sumrek koma iti pusona,” Roma 10:13. Mabalinna nga ibaba ti ulona ken agkidem.

No mabalin ket bay-am nga agkararag ti bukodna nga kararag. Ngem no masapulna ti tulong, mabalin nga usarenna ti “Pagwadan a Kararag.” Kalpasanna nga agkararag, saludsodem, “Sino nagkararagam?” No saanna nga ammo a sungbatan daytoy a saludsod, mabalin a saanna naawatn ti mensahe nga impakaammom. Mabalinnom nga usaren ti maysa kadagiti *review pages* (p. 3, wenna akkub wenna likod) ket ipalawagmo manen no kasano ti maisalakan. Importante unay nga maawatanna ti ar-aramidenna, saan la nga surotennaka iti panagkararag. Importante nga maibagana ken ni Jesus ti adda iti pusona tapno maisalakan, Roma 10:13.

Saludsodem kenkuana no ania ti inkararagna ken ni Apo Jesus, ket no ti isungbatna ket dinawatna ken ni Apo Jesus nga pakawanenna dagiti basolna ket sumrek koma iti pusona, importante nga iturongmon iti paneknek ti pannakaisalakan (*assurance of salvation*). Saludsodem, “Ayanna ni Apo Jesus itan, nakatakder pay laeng dita ruangan ti pusom, wenna simrekken?” No kunana nga saanna nga ammo, ibagam nga basaenna ti Paltiing 3:20 manen agingga nga maaddaan iti paneknek a nagtaud iti Sao ti Dios nga simreken ni Apo Jesus iti pusona.

Masapul nga ipalawagmo kenkuana nga ti Biblia ket Sao ti Mannakabalin a Dios, ket mabalintayo a pasien daytoy. Imposible nga agulbod ti Dios ken saan nga mangalilaw, Tito 1:2.

Maipapan iti pannapakawan dagiti basol, tulongam tapno makasigurado nga napa-kawanan dagiti basolna. Ipakitam diay nangisit a puso idia panid 8 ken diay puraw nga puso idia panid 11 ket damagem no ania nga klase a puso ti pusona ita. No nangisit kunana, ilawlawagmo manen ti panangpakawan ti Dios kadagiti basol dagiti nangipudno ti basolda. Luktam idia 1 Juan 1:9 ken dawatem nga basaenna manen agingga nga mamati iti promesa ti Dios nga dagiti basolna ket napakawanan gapu ta impudnonan dagitoy ken namati nga ni Apo Jesus ket natay gapu kadagitoy.

Impromesa ti Dios — p. 12: Hebreo 13:5b “Dikanto panawan, dikanto baybayan.” Ipaneknekmo babaen iti promesa ti Dios nga dinatay panawan wenna baybayan ni Apo Jesus.

Panid 14–15 — Ibagam, “DUMAKKELTAYO iti naespirituan a biag babaen iti panagbasatayo nga inaldaw ti Biblia. Irugim ti agbasa diay Mateo 1:18 iti Baro a Tulag ket ituloyom nga basaen kada kapitulo. Saanka nga agbaktaw iti panagbasam. No nalpasmon iti Baro a Tulag, irugim a basaen ti Genesis iti Daan a Tulag ken agbasaka met iti Baro a Tulag. Mabalinka nga agbasa iti maysa a kapitulo iti Daan a Tulag ken maysa met iti Baro a Tulag inggana malpasma ti intero a Biblia. Kalpasanna, basaem manen ti Biblia. Basaem iti mamin-adu.

“Masapul nga inaldaw nga **agkararag** daytoy ken agyaman iti Dios. No agriingtayo iti agsapa, dawatentayo nga iyadayonatayo iti basol ken salaknibannatayo iti peggad. Dawatentayo nga tulongannatayo a sumango kadagiti sulisog ken problematayo. Ikararag-tayo met dagiti saan pay a naisalakan a gagayyem ken kakabagiantayo.

“Regular a mapantayo iti simbaan wenna gimong tapno **agdayaw iti Dios**, agadal iti Biblia ken makilangen-langen kadagiti padatayo a mammati. Ti **AGBIAG PARA KEN CRISTO** kayatna nga sawen, tungpalentayo dagiti bilbilin ti Dios babaen iti tulong ti Espiritu Santo. Agpabautizartayo, Mateo 28:18–20. Imbilin ti Dios nga mapnotayo iti Espiritu, Efeso 5:18. **Ipakaammotayo** ti Naimbag a Damag maipapan ti Pannakaisalakan babaen iti pammati ken ni Apo Jesu-Cristo.”

Panid 16 ken 17 — “Masapul nga agbiagtayo iti lawag kas iti Dios nga adda idia lawag babaen iti agtultuloy a pannakikadkadua iti Dios ken iti pada a tao, 1 Juan 1:5–9. Ti panagbiag iti sipngget isu ti panagbiag iti basol. No ibagatayo ti basoltayo iti Dios ken panawantayon ida, kayatna a sawen, agbibigtayo manen iti lawag.

Maikatlo a review — p. 3. Mabalin nga *i-summarize* manen ti Ebanghelio:

Yellow ● — Naammuantay ita nga **AY-AYATENNATAYO** ti Dios ket insaganana ti Langit para kadatayo — maysa a lugar a nasantuan ken naragsak.

Nangisit ● — Ngem gapu ta nagbasoltayo, ditay makastrek idia Langit ta nasantuan daytoy. Diay impierno ti papanantayo (lugar ti sumsumged nga apoy).

Nalabaga ● — Gapu ta natay ni Apo Jesus para kadagiti basbasoltayo, mabalintayo a makastrek iti Langit no la ket mamatitayo Kenkuana, agbabawitayo kadagiti basbasoltayo ken talli-kudantayo amin a dakes. Iti kasta, pakawanennatayo ni Apo Jesus ken dalusanatayo iti amin a kinadakes.

Puraw ● — Babaen iti pannangawattayo ken ni Apo Jesus iti pusotayo, madalusan ti pusotayo ken maaddaantayo ti Biag nga Agnanayon — ti sagut ti Dios! Saantayon mapan idia impierno babaen iti pannakabalin ti Dios. Naisalakantayon ket makastrektayon idia Langit.

Berde ● — Dumakkeltayo iti naespirituan a biag babaen iti panagbasa ti **Biblia, panagkararag**, ipapan iti **simbaan** wenna gimong dagiti Cristiano, **panagtulnog** kadagiti bilbilin ti Dios ken **panangiyam-ammo** kadagiti gagayyemtayo ken ni Apo Jesus.

Maikapad a review — maipapan iti Biag nga Agnanayon. Luktam iti p. 4 ket ipabasam ti Juan 3:16. Ibagam, “No mamatika ken ni Apo Jesus, maaddaanka ti Biag nga Agnanayon.” Samo luktan iti p. 6 ket ipabasam ti Roma 6:23. Ibagam, “Ti biag nga agnanayon ket sagut ti Dios.” Luktam iti p. 13 ket ipabasam ti maipapan iti biag nga agnanayon iti baba. Ibagam, “No awatem ni Apo Jesus, maaddaanka ti biag nga agnanayon. Ti Biag nga Agnanayon ket adda ken Apo Jesus.”

Dimo liplipatan a bisitaen (para iti *follow-up*) ti tao nga inyasidegmo ken Cristo inggana nga makadakkal daytoy iti naespirituan a biag. Mabalinnom met nga *i-follow up* babaen iti telepono, surat wenna iyam-ammom iti sabali a tao nga mapagtalkan a mang-*follow up* kenkuana. Ni Apo Dios ti mangbendision kenka iti panagusarmo ti “DALAN a MAPAN LANGIT” *booklet* tapno makaiyasidegka ti adu nga tao ken Cristo!

Malaysia Faith Mission